

# Rhybudd Amgylcheddol

## Derbyn ac Ymdrin ag Asbestos yng Nghanolfannau Ailgylchu Cyngor Gwynedd

1. Mae gan Gyngor Gwynedd bedair Canolfan Ailgylchu wnaiff dderbyn Asbestos Sment.
  - (a) Caernarfon
  - (b) Harlech
  - (c) Dolgellau
  - (d) Garndolbenmaen
2. Anogir y cyhoedd i gysylltu â Galw Gwynedd ar 01766 771000 i wneud trefniadau ymlaen llaw cyn cyrraedd y safle gydag asbestos sment; a hefyd roi cyfle i gopi o'r rhybudd hwn gyrraedd ymlaen llaw.
3. Dim ond Asbestos Sment a dderbynnir yn y Canolfannau Ailgylchu hyn, a dylai'r cyfaint fod yn debyg i'r hyn a geir mewn safleoedd domestig neu fân waith DIY.
4. Ni dderbynnir Asbestos Sment yn y Canolfannau Ailgylchu os yw'r asbestos yn cael ei gludo gan contractwr sy'n cael ei gyflogi gan y perchennog tŷ i wneud unrhyw waith ar ei h/eiddo megis adeiladu, addasu, cynnal a chadw neu ddymchwel.
5. Ni ystyrir bod garejis cyfan neu doeon cytiau gardd yn rhesymol ac, oherwydd y peryglon sy'n agwedd gynhenid o asbestos, dylai'r gwaith gael ei wneud, a'r asbestos gael ei waredu, gan contractwr cymwys. Dylid trosglwyddo unrhyw ymholiadau sy'n awgrymu bod cyfaint o'r fath yn bodoli at wefan Cyfoeth Naturiol Cymru <https://naturalresources.wales> neu'r llinell gymorth ar 0300 065 3000.
6. Dyma enghreifftiau o Asbestos Sment: cwteri, pibellau simdde, pibellau dŵr glaw, pibellau carthion, llenni toeon, llenni waliau, ac ati. Ni ddylid torri deunyddiau asbestos sment. Cyngorir perchennog y tŷ i wlychu'r llenni asbestos gyda dŵr cyn eu lapio er mwyn rhyddhau cyn lleied o ffibrau â phosib.



7. Rhaid i asbestos sy'n cael ei dderbyn yn y Canolfannau Ailgylchu gael ei lapio ddwywaith mewn plastig, a'r plastig gael ei selio gyda thâp addas.
8. Pan yw perchennog y tŷ, neu unrhyw un sy'n gweithredu ar ei rh/ran, yn cyrraedd y Canolfannau Ailgylchu rhaid iddi/o ddweud wrth staff y safle bod ganddi/o asbestos sment i gael ei wared. Bydd staff y safle wedyn yn sicrhau bod yr asbestos sment wedi cael ei lapio'n briodol (wedi ei lapio ddwywaith, ei selio, ac yn lân). Os yw staff y safle'n fodlon gyda'r lapio a'r cyflwr, byddent wedyn yn rhoi cyfarwyddyd manwl ar waredu ar y safle. **Os nad yw staff y safle'n fodlon gyda chyflwr y lapio, os yw'n cyrraedd y safle heb ei selio neu heb ei lapio, ni fydd yn cael dod ar y safle.** Os digwydd hyn, rhoddir cyngor ar sut i lapio'r gwastraff yn gywir cyn dychwelyd i'r safle.
9. Ni fydd staff y safle yn trin nac yn helpu llwytho na dadlwytho'r Asbestos Sment. Dyletswydd y person sy'n dod ag o i'r safle ydi hyn.